



GAYA HIDUP

ARKIB : 05/09/1998

Seminar pengurusan medan perbincangan isu pendidikan

Seminar berkisar kepada isu semasa pendidikan, kesan masalah sosioekonomi terhadap 'kebestarian' pendidikan, pendekatan kaunseling, sehinggalah kepada isu bahasa merentas kurikulum.

Sasaran peserta adalah pegawai pendidikan daerah, pengarah pendidikan negeri atau daerah, pengetua, guru besar, pengetua maktab-maktab perguruan, pengerusi Persatuan Ibu Bapa dan Guru (PIBG) serta pegawai pusat sumber negeri.

Golongan sasar yang berminat membentangkan kertas kerja atau hadir diminta menghubungi IAB, talian 03-2102424.

Tema yang dipilih ialah Pembinaan Budaya Bestari dan Institusi Bestari Secara Bersepadu Untuk Menjadikan Sistem Pendidikan Malaysia Yang Terbaik Di Dunia.

Kata Pengarah IAB, Dr. Ibrahim Ahmad Bajunid, seminar akan berlangsung pada 27 hingga 29 Oktober ini.

"Objektif seminar adalah untuk mengenal pasti gaya pengurusan yang sesuai dalam konteks pelaksanaan sekolah bestari.

"Ia juga bertujuan memberi kefahaman kepada pemimpin dan pengurusan pendidikan ke arah pembinaan dan pemulihan imej sekolah, institusi atau organisasi yang menjurus kepada budaya bestari," katanya baru-baru ini.

Terdapat beberapa sub tema seminar. Antaranya:

- * Kepimpinan dan pengurusan organisasi alaf baru.
- * Sumbangan teknologi masa kini dalam rangka pembestarian institusi pendidikan.
- * Sumbangan komuniti dalam pemantapan sistem pendidikan di Malaysia.

"Seminar akan mengenal pasti gaya pengurusan yang sesuai dalam konteks pelaksanaan sekolah bestari," ujarnya.

Beliau menambah, seminar yang berkisar kepada wacana ilmiah itu akan menghimpunkan celik akal mengenai prinsip change-mastery dalam melaksanakan kepimpinan organisasi pendidikan ke arah pembudayaan bestari.

Artikel Penuh:

http://www.utusan.com.my/utusan/info.asp?y=1998&dt=0905&pub=utusan_malaysia&sec=Gaya_Hidup&pg=ls_02.htm#ixzz2vj8EBQVJ

© Utusan Melayu (M) Bhd